

Euskal sindikatuek 30ean Bilbon izango den manifestazio handira deitu dute

Madril eta Gasteizko gobernuen «pasibitatea» salatu dute sindikatuek

Berrindustrializazioaren alde» lemarekin hilaren 30ean Bilbon egingo den manifestaziorako deialdia egin zuten atzo ELA, UGT eta CCOO batera. Sindikatuek, egoeraren aurrean Administrazio Publikoen «pasibitate eta inhibizioa salatu zuten.

M.A. / BILBO

Manifestazioarekin «politika industrialaren beharra Euskadiko lehen arazo nazionala» dela azpimarratu nahi dute hiru sindikatuek, Jose Elorrieta ELAko idazkari nagusiaren esanetan. Zentzu honetan, «manifestazioan parte hartuko duen jendetzarekin euskal langileen sentsibiltate eta kezka non dagoen» erakutsiko dela gaineratu zuen Elorrietak.

Elorrietarekin batera, Euskal Autonomi Elkarte (EAE) UGTko idazkari nagusia den Josu Fradek eta Santiago Bengoa CCOO sindikatu-ko Hegoaldeko idazkari nagusiak «politika industrial aktiboa eta sindikatuen partaidetza beharra» azpimarratu zuten.

Elorrietak adierazi zuenez, oso kezagarriak dira politika industrial egiteko Madrilgo Gobernuak daukan «borondate politiko falta» eta Gasteizko Gobernuak «Madrilen jarrera desblokeatzeko erakutsi duen «kapazitate politiko falta» ere bai.

«EGOERA ZERBAIT ALDATU DA» Fradek, bere aldetik, manifestazioarekin «eskualdeko mobilizazioei amaiera arrakatsua» emango zaiela gaineratu zuen.



Josu Frade, Jose Elorrieta eta Santiago Bengoa UGT, ELA eta CCOO sindikatueta idazkari nagusiak.

UGTko idazkariaren iritziz, eskualde egin diren mobilizazioek «egoera zerbait aldatzea» lortu dute, AHVko espediente bertan behera uztea eta Madril «hasierako inhibizioa» nolabait alde batera utzi duela adibide bezala aipatu.

Dena den, «lortutakoa nahikoa ez» dela argitu zuen Fradek eta «Sidenorren plangintza edo Novanor delakoarena sindikatuen aldetik onartezinak» direla gaineratu zuen.

Hegoaldeko CCOOko idazkariak azaldu zuenez, «ez du balio enpresa pribatuekiko laguntza politika au-

rrera eramatea. Bengoaren esanetan, «ia hamar urte pasatu dira Euskal Herrian 130.000 lanposturen murrizketa ekarri zuen birmoldaketa industrialetik.

Orain ditugun arazoak berberak dira baina irtenbide berak ez du balio, desertizazio industrial ekarriko bait luke».

Hiru sindikatueta idazkariak, euskal industri sare gogorra berreskuratzeko azpiegitura arazoak konpondu beharra azpimarratu zuten. Era berean, enpresa txiki eta ertainen bideragarritasun eta konpetitibitatea

ziurtatuko duten neurri osagarriak, sektore estrategiko «helduen» aldeko apustuarekin batera aurrera eramane beha direla gaineratu zuten sindikatueta arduradunek.

Hilaren manifestazio deialdiari dagokionez, LAB sindikatuak ere «Desmantelamendu industrialaren aurka» lemapean deialdi nazionala egin du. Dena den, LABek, gainontzeko sindikatuarekin batera, 11.30etan Bilboko Jesusen Bihotzaren enparantzan hasiko du manifestazioa baina bukaera toki ezberdinean egingo dute.

AHV eta Acenorri buruzko plenoa ez egitea kritikatu du Bilboko HBk

BILBO

Herri Batasunak gogor kritikatu du Bilboko Udala Bizkaiko Labe Garaiak (AHV) eta Acenorri buruzko ezohizko plenoa ez egiteko hartu zuen erabakiagatik. «Alkateak erabateko sentsibiltate falta erakutsi du, industri deuseztapena den gai garrantzitsu honetan» adierazi zuen Koldo Celestino HBko zinegotziak.

Zinegotzi abertzalearen ustez, Bilbo Euskal Herriko hiribururik garrantzitsua izanik, bertako udalak euskal industri sarearen defentsa isladatu behar luke, «batez ere kontutuan hartzen badugu bi enpresa hauetako langile gehienak bilbotarrak direla» gehitu du Celestinok.

Bilboko udalaren sentsibiltate falta hori PSOeri egotzi dio HBk eta «udalaren benetako agintaria» dela ziurtatu du, alderdi hau izan bait zen udal osoko bilkura egiteari uko egin ziona.

Halere, HBk Acenor eta AHVko enpresa batzordeekin elkartasuna adierazi du eta abenduaren 12ko plenoan bi enpresa hauen aldeko mozioa aurkezteko asmoa agertu du, bilbotar guztiei bertara biltzeko deitzen dielarik. Halaber, Bilboko Udalaren ordezkari bat Claudio Aranzadi Espainiako Industria ministroarekin bil dadin eskatuko du alderdi abertzaleak, enpresa hauen egoerak Bilbon izango duen eragina azaltzeko eta industriarentzako irtenbideak eskatzeko.

«Industri krisiaren errudunak enpresari eta gobernuak dira»

M.A. / BILBO

ESK, EILAS, CGT, CNT eta Bizkaiko Langabetuen Asanbladek, deialdi bateratua kaleratu zuten atzo hilaren 30ean Bilbon egingo den krisi industrialaren aurkako manifestazioan parte hartzeko. Sindikatu hauen iritziz, «Madril eta Gasteizko Gobernuak, banka eta patronalarekin batera, dira euskal industria eta gizartearen hondaketaren arduradunak». Era berean, ELA, UGT eta CCOO sindikatuen jarrera salatu zuten kolektibo hauetako kideek, «manifestaziorako deialdia beren kontura egin bait dute, protesta ekin-tzak kapitalizatu nahiz». ESK-ko bozeramaleak azpimarratu zuenez, «egoera honetan mobilizazioak bateratuak behar dute izan».

Hiru sindikatu hauek aurrera dararamaten politika «antisozialtzat» jo zuten ESK, EILAS; CGT, CNT eta langabetuek, «lan ajusteari legitimitateko tresna hutsak bezala» jotzen dutela gaineratu.

SEKTORE PUBLIKOAREN GARRANTZIA Lau sindikatu eta langabetuen asanbladaren ustetan,

Madril eta Gasteizko gobernuek «oso aktiboki» jokatzeko dute enplegu murrizketa eta enpresen ixtean. Sektore publikoak enplegua sortu eta mantendu beharrean, «funtzio marginala eta laguntza modukoa» betetzen duela gaineratu zuten. Zentzu honetan, Madril eta Gasteizko gobernuek, bankak eta enpresariak «berreskurapen politika» indarrean jarri behar dutela pentsatzen dute sindikatu hauetan, «sektore publikoaren parte hartze zuzenarekin».

Sindikatu hauetako kideek enpresa txiki eta ertainen egoeraren larritasuna azpimarratu zuten, «langile kaleratuen etengabeko tantana» ematen dela eta «isilpeko birmoldapen jarraian» daudela adieraziz. Aurrerago azaldu zuten, sektore honetako enpresariak «askatasun osoz kontratatzen eta kaleratzen dituzte langileak».

EAK berrindustrializazio egitasmoak eta konpetentziak eskatu dizkio Madrili

F.I. / GASTEIZ

EAEko krisi ekonomikoa gainditzeko berindustrializazio planak eta oraindik Madrilen esku dauden konpetentziak bertara aldatzea ezinbestekoak dira, besteak beste, krisiari irtenbide bat bilatzeko, EAren iritziz. Carlos Garaikoetxea EAKo lehendakariak, bere alderdiko ekonomia alorreko gizonak egin duten txostena aurkeztu zuen atzo. Bertan hamabi puntu azaltzen dira krisiari aurre egiteko.

Neurri horien artean Madrili ikerketa eta INEMeko transferentziak exigitu behar zaizkiola esan zuten Garaikoetxeak eta Jesus Larrañaga txostena prestatu zuenetako batek. Transferentziekin batera, Madril eta Gasteizek berrindustrializazio planak batera egin behar dituztela azpimarratu zuten. «Saguntan egin zen baina hemen ez» salatu zuten EAKoek.

EAEko teknologia pasa den men-



Madrili transferentziak exigitzeko eskatu zuen Garaikoetxeak.

OIALDE

dekua dela esan zuen Larrañagak, harrez geroztik ez dela ezer berritu arlo honetan, eta ondorioz «nahiz eta ekimen guztiak egin» industria mota horiek desagertu egingo direla «nahitaez». Teknologiaren atzerapenak ez du arlo horretan trebatzeko aukerarik eskaintzen, eta «hemengo

adituak» beste leku batzuetara alde egin beharrean daudela salatu zuen. Larrañagak enpresa gizon gehiago behar direla ziurtatu zuen, Administrazioak ez duela «bereiz» arazoa konpontzen eta sindikatuen erantzukizuna aipatu zuen krisia gainditzeko.